

**UGOVOR  
O VANLINIJSKOM (UGOVORENOM) PREVOZU**

Zaključen u Sarajevu dana 14.07.2018. godine, nakon provedenog postupka javne nabavke u skladu sa odredbama Zakona o javnim nabavkama BiH – u postupku dodjele ugovora putem direktnog sporazuma, između:

1. „**Centrotrans-eurolines**” d.d. Sarajevo, sa sjedištem u Sarajevu, ulica Kurta Schorka 14, koga zastupa generalni direktor društva Safudin Čengić, ID broj: 4200153220003, s jedne strane (u daljem tekstu: prevoznik)

i

2. **KJU Dom za djecu bez roditeljskog staranja**, sa sjedištem u Sarajevu, ulica Bjelave 52, koju zastupa direktorica Belma Ahmagić, ID broj: 4200556690000, s druge strane ( u daljem tekstu: korisnik prevoza)

Ugovorne strane su se sporazumjele o sljedećem:

**Član 1.  
(Predmet ugovora)**

Predmet ovog Ugovora je uređivanje međusobnih odnosa ugovornih strana radi realizacije vanlinijskog prevoza grupe putnika - korisnika prevoza.

Prevoz putnika obaviti će se na relaciji: Sarajevo – Boračko jezero i Boračko jezero – Sarajevo. Prevoz iz stava 1. ovog člana obaviti će se 16.07.2018. godine sa polaskom u 08:00 sati ispred Kantonalne javne ustanove Dom za djecu bez roditeljskog staranja, ulica Bjelave 52, a povratak sa Boračkog jezera planiran je 20.07.2018. godine u terminu od 15:00 – 16:00 sati.

**Član 2.  
(Cijena prevoza)**

Cijena prevoza iz člana 1. ovog Ugovora određena je ponudom prevoznika broj: 1104703/18 od 09.07.2018. godine i iznosi **1.023,75 KM sa PDV-om**.

Ponuda se smatra sastavnim dijelom ovog Ugovora.

**Član 3.  
(Obaveze prevoznika)**

Prevoznik je obavezan da obezbjedi autobus za prevoz korisnika prevoza koji posjeduje klima uređaj, audio i video sistem, frižider i wc kabinu, te da zadovoljava uslov u pogledu udobnosti i komfora.

Obaveza prevoznika je da obezbjedi potrebnu dokumentaciju i opremu u skladu sa zakonskim propisima iz oblasti drumskog saobraćaja, te da vozilo obilježi oznakom da se radi o vanlinijskom prevozu.

Prevoznik se obavezuje da prilikom prevoza neće prevoziti i druge putnike osim putnike - korisnike prevoza.

U slučaju kvara autobusa u toku obavljanja prevoza, prevoznik je dužan da otkloni kvar u što kraćem roku ili da obezbjedi drugi autobus istog ili sličnog kvaliteta i komfora.

Prevoznik je obavezan po izvršenju usluge dostaviti urednu fakturu.

**Član 4.**

**(Obaveza korisnika prevoza)**

Korisnik prevoza je dužan sačiniti spisak putnika koji će koristiti prevoz iz člana 1. ovog Ugovora i dostaviti ga prevozniku prije polaska na ugovorenu destinaciju.  
Obaveza korisnika prevoza je da uredno čuva prtljag putnika.  
Korisnik prevoza je dužan da izvrši plaćanje za izvršene i ugovorene usluge na račun prevoznika, prema pravilima trezora Ministarstva finansija Kantona Sarajevo.

**Član 5.**


**(Prelazne odredbe)**

Ugovorne strane su saglasne da će se eventualni sporovi nastali u realizaciji ovog Ugovora rješavati mirnim putem – dogovorom, a ako to ne bude moguće nadležan je sud u Sarajevu.

**Član 6.**

Ovaj Ugovor sačinjen je u četiri (4) istovjetna primjerka od kojih svaka strana zadržava po (2) dva primjerka.


ZA PREVOZNIKA



Broj: 1/4809/18  
Datum: 14.07.2018. godine

ZA KORISNIKA PREVOZA



  
Broj: 1408-5/18  
Datum: 14.07.2018. godine